



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-574-8/22**
Datum: **23.12.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu korisnika „DRVOPROMET“ d.o.o. Velika Kladuša, za izdavanje vodne dozvole za ispuštanje onečišćenih oborinskih i tehnoloških otpadnih voda sa prostora internih saobraćajnih i pretakališnih površina objekta benzinske pumpne stanice sa pratećim sadržajima i autopraonicom sa jednim zatvorenim boksom, izgrađenih u ulici Prve muslimanske brigade, u naselju Polje, Općina Velika Kladuša, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „DRVOPROMET“ d.o.o. Velika Kladuša, za ispuštanje onečišćenih oborinskih i tehnoloških otpadnih voda sa prostora internih saobraćajnih i pretakališnih površina objekta benzinske pumpne stanice sa pratećim sadržajima i autopraonicom sa jednim zatvorenim boksom, izgrađenih u ulici Prve muslimanske brigade, u naselju Polje, Općina Velika Kladuša, na zemljištu označenom kao k.č. broj: 2153/3 K.O. Velika Kladuša (novi katastarski operat), odnosno k.č. broj: 1993/6 K.O. Velika Kladuša (stari katastarski operat), Općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa autopraonicom i pratećim sadržajima (za koje je izdato odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da korisnik predmetnog objekta, za vrijeme važenja ovog rješenja, kod organa nadležnog za prostorno uređenje izvrši provjeru o oznaci katastarske čestice na kojoj je predmetni objekt izgrađen (akti o građenju su dati na k.č. broj: 2153/3 K.O. Velika Kladuša, a uvidom na web stranici geoportal.ba, radi se o k.č. broj: 2153/3 K.O. Trnovi) te nakon toga dostavi rješenje o upotrebi predmetnog objekta.
 - 3.3. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, ukupnog kapaciteta 200 m³ (2x100 m³).
 - 3.4. Korisnik objekta obavezan je redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.5. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.6. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.

- 3.7. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.8. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa internih saobraćajnih i pretakališnih površina benzinske pumpne stanice, odnosno tehnološke otpadne vode sa radnih površina autopraonice nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – cestovni kanal.
- 3.9. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.10. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Sl. novine F BiH», broj 14/10, 14/13, 26/14, 23/17 i 41/20).
- 3.13. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbensi, odgovarajuće posude, uređaji za pretakanje i sl.).
- 3.14. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „DRVOPROMET“ d.o.o. Velika Kladuša je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godine dana, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, DRVOPROMET d.o.o. Velika Kladuša, obratilo se ovoj Agenciji dana 21.10.2022. godine zahtjevom broj: 21-10/22 za izdavanje vodne dozvole za ispuštanje onečišćenih oborinskih i tehnoloških otpadnih voda sa prostora internih saobraćajnih i pretakališnih površina objekta benzinske pumpne stanice sa pratećim sadržajima i autopraonicom sa jednim zatvorenim boksom, izgrađenog u ulici Prve muslimanske brigade, u naselju Polje, Općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka; izdano dana 31.03.2017. godine od strane Općinskog suda u Bihaću pod brojem: 017-0-Reg-17-000185 (ovjerena kopija),
- Uvjerjenje o poreznoj registraciji za poslovnu jedinicu benzinska pumpna stanica Polje, izdano dana 06.01.2004. godine, od strane Federalnog ministarstva finansija - financija, Porezne uprave – Kantonalnog ureda BIHAĆ (ovjerena kopija),
- Uvjerjenje o poreznoj registraciji, izdano dana 10.02.2002. godine, od strane Federalnog ministarstva finansija - financija, Porezne uprave – Kantonalnog ureda BIHAĆ (ovjerena kopija),
- Rješenje, kojim se odobrava d.o.o. „DRVOPROMET“ iz Velike Kladuše, da kao investitor može početi sa izgradnjom benzinske pumpe sa pratećim sadržajima u Vel. Kladuši, ul- 1. muslimanske brigade na zemljištu označenom kao k.č. broj 2153/3 K.O. Velika Kladuša po novom i k.č. br. 1993/6 K.O. Vel. Kladuša po starom predmjeru, pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih saglasnosti; izdano od strane Odjeljenja za urbanizam Službe prostornog uređenja i resursa općine Velika Kladuša pod brojem 05/1-23/2-192-20202 G/M, dana 12.12.2002. godine (kopija),
- Rješenje, kojim se daje urbanistička saglasnost d.o.o. „DRVOPROMET“ iz Velike Kladuše, za izgradnju benzinske stanice sa pratećim sadržajima u Velikoj Kladuši, ul. 1. muslimanske brigade na zemljištu označenom pod k.č. br. 2153/3 K.O. Velika Kladuša a na osnovu parcijalnog rješenja iz Urbanističkog plana grada Velika Kladuša (Sl. glasnik općine Velika Kladuša br. 7/81); izdano od strane Općinskog Odjeljenja za urbanizam i stambeno-komunalne poslove Službe prostornog uređenja, resursa i zaštite okoliša općine Velika Kladuša pod brojem 05/1-23/1-222/02 G/M, dana 11.10.2002. godine (kopija),
- Ugovor o izvođenju radova, zaključen između ugovorenih strana br. 1826/20-DS, predmet kojeg su radovi na čišćenju separatora i septičkih jama i odvozu otpadnog mulja i taloga (tretman otpadnih voda) iz separatora i septičkih jama sa lokacije naručioca; zaključen sa DELTA PETROL .d.o.o. Kakanj, dana 24.10.2020. godine,
- Kopija naloga za plaćanje upravne pristojbe,
- Rješenje o vodnoj dozvoli, kojim se daje vodna dozvola pravnom licu „DRVOPROMET“ d.o.o. Velika Kladuša, za promet opasnih materija i proizvoda od tih materija koje nakon upotrebe mogu dospjeti u vode i ispuštanje oborinskih onečišćenih i tehnoloških otpadnih voda sa lokacije objekta benzinske pumpne stanice sa pratećim sadržajima, lociranog u ulici Prve muslimanske brigade, naselje Polje, izgrađenog na zemljištu označenom kao k.č. broj: 2153/3 K.O. Velika Kladuša (podaci novog premjera), odnosno k.č. broj: 1993/6 K.O. Velika Kladuša (podaci starog premjera), općina Velika Kladuša; izdano od strane Agencije za vodno područje rijeke Save Sarajevo pod brojem UP-I/25-3-40-481-4/17, dana 05.09.2017. godine.
- Upit o plaćenim PVN-a od 26. oktobra 2022. godine te odgovor Službe za naplatu prihoda (vodnih naknada) Sektora za ekonomske, pravne, kadrovske i opšte poslove Agencije od 28. oktobra 2022. godine, da navedeni obveznik redovno izmiruje svoje obveze (kopije e-mailova),
- Zaključak o visini i roku za plaćanje posebnih troškova, izdan od strane ove Agencije, broj UP-1/21-3-40-574-2/22, dana 04.11.2022. godine, te kopija elektronskog naloga za plaćanje istih.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je pregled objekta benzinske pumpne stanice sa pratećim sadržajima „DRVOPROMET“ d.o.o. Velika Kladuša, u ulici Prve muslimanske brigade, u naselju Polje, općina Velika Kladuša, i tom prilikom sačinjen zapisnik o uviđaju broj: UP-1/21-3-40-574-5/22, dana 09.11.2022. godine.

Poslovni objekt benzinske pumpne stanice sa pratećim sadržajima i autopraonicom sa jednim zatvorenim boksom, „DRVOPROMET“ d.o.o. Velika Kladuša, je izgrađen sa desne strane magistralne ceste M4.2 Cazin Srbijani – GP Maljevac, u ulici Prve muslimanske brigade, u naselju Polje, općina Velika Kladuša.

Objekat se sastoji od nadstrešnice iznad aparata za istakanje goriva sa maloprodajnim mjestom, kafe barom i restoranom, sanitarnim i upravnim prostorijama, autopraonicom sa jednim zatvorenim boksom, spremnika za gorivo, separatora, internih saobraćajnih i parkirnih površina te zelenila.

Gorivo se dovozi autocisternama i pretače u ukopane dvoplašne spremnike, ukupnog kapaciteta 200 m³ (2x100). Sanitarne otpadne vode iz maloprodajnog objekta su kanalizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u cestovni jarak magistralne ceste. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju u cestovni jarak magistralne ceste, kao i tehnološke vode sa platoa za pranje vozila autopraonice.

Pregledom na web stranici geoportal.ba je konstatirano da je predmetni objekt izgrađen na zemljištu označenom kao k.č. broj: 2153/3 K.O. Trnovi, a akti o građenju su izdani na k.č. broj 2153/3 K.O. Velika Kladuša (po novom premjeru), odnosno k.č. broj: 1993/6 K.O. Velika Kladuša (po starom premjeru).

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih te je riješeno kao u dispozitivu ovog rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:
Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „DRVOPROMET“ d.o.o. Velika Kladuša, Glavica 145, 77 230 Velika Kladuša,
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča AVP Sava